



Ured u Sarajevu

Broj: Ž-SA- 06- 3-2/10

Datum 04.05.2010.

Parlamentarna skupština BiH

Dom naroda

Trg BiH 1

71000 S a r a j e v o

PREDMET: Odgovor na delegatsko pitanje , dostavlja se

Instituciji ombudsmena za ljudska prava Bosne i Hercegovine dostavili ste 28.04.2010. godine delegatsko pitanje postavljeno na 44. sjednici Doma naroda Parlamentarne skupštine BiH održanoj 09.aprila 2010. godine.

Dostavljajući Vam odgovor obavještavamo Vas kako slijedi:

Instituciji ombudsmena za ljudska prava Bosne i Hercegovine dostavljena je 07.01.2010. godine žalba Redžić Hidajete, predstavnice Udruženja Crnogoraca i građana crnogorskog porijekla iz Sarajeva, radi diskriminacije zbog nejednakosti pred zakonom.

Iz žalbenih navoda i priložene dokumentacije proizilazi :

1. da je žaliteljica predložena kao jedina kandidatkinja crnogorske nacionalne manjine u Vijeće nacionalnih manjina BiH, po proceduri javnog oglašavanja i dostavljanja tražene dokumentacije, o čemu se odlučivalo 29.01.2009. godine;
2. takvoj odluci prethodilo je donošenje odluke o imenovanju za člana Vijeće nacionalnih manjina BiH na 42. sjednici Predstavničkog doma PS BiH, održanoj 17.12.2008. godine na kojoj je sa 36 glasova „ZA“ (23 iz FBiH, 13 iz RS, 1 – PROTIV i 2- SUZDRŽANA glasa) donesena navedena odluka ;

3. žaliteljicu je predložilo Udruženje građana koje je registrovano u Ministarstvu pravde BiH, rješenjem broj RU 695/08 sa organizovanom podružnicom udruženja u Banja Luci i djeluje na području cijele Bosne i Hercegovine, a na prijedlog Zajedničke komisije što je i usvojio Predstavnički dom;
4. kandidaturu imenovane su podržali Ambasada Crne Gore u BiH, OSCE, te nezavisni odbornici crnogorske nacionalne manjine u opštinama Doboj i Gradiška
5. na 24. sjednici Doma naroda PS BiH održanoj 29.01.2009. godine, na kojoj se trebala potvrditi odluka o njenoj kandidaturi, bez poštivanja prethodne procedure javnog oglašavanja i dostavljanja tražene dokumentacije, a na prijedlog zastupnika Slobodana Šarabe, predložen je i drugi kandidat - Neđeljko Tomašević iz Trebinja;
6. prijedlog drugog kandidata je proizašao na osnovu obrazloženja da udruženje iz Trebinja koje je registrovano na lokalnom nivou, „nije blagovremeno čulo za javni poziv, a niko ih nije direktno ni pozivao“, što predlagač drugog kandidata smatra objektivnim opravdanjem za propuštanje roka;
7. da je Zajednička komisija na 25. sjednici održanoj 17.06.2009. godine usvojila Prijedlog Odluke o dopuni Odluke o imenovanju članova Vijeća nacionalnih manjina BiH kojom se u Vijeće nacionalnih manjina Hidajeta Redžić imenuje na period do 30.04.2010. godine, a Neđeljko Tomašević od 01.05.2010. do kraja mandata ovoga saziva izabranih članova PS BiH
8. na istoj sjednici donesena je odluka o izmjeni Odluke o osnivanju Vijeća nacionalnih manjina koja se odnosila na član 7. u čijem je stavu 1. je rečeno da mandat članova Vijeća traje četiri godine, a u stavu 2. istoga člana, da se tokom trajanja mandata u opravdanim slučajevima može provesti postupak zamjene člana Vijeća, na prijedlog Zajedničke komisije za ljudska prava, prava djeteta, mlade, imigraciju, izbjeglice, azil i etiku PS BiH.

Na osnovu žalbenih navoda člana 7. Zakona o zabrani diskriminacije, te članova 23. i 25. Zakona o ombudsmenu za ljudska prava BiH¹, u vezi sa članom 17. Pravila za funkcionisanje Institucije ombudsmena za ljudska prava BiH² Institucija je 19.02.2010. godine od Zajedničke komisije za ljudska prava, prava djeteta, mlade, imigraciju, izbjeglice, azil i etiku PS BIH zatražila dostavljanje izjašnjenja, posebno u dijelu koji se odnosi na pravni osnov uvođenja / kandidiranja druge osobe van procedure i rokova koji su primjenjeni na ostale kandidate, te obrazloženje osnova i načina podjele mandata, uz dostavljanje svih relevantnih kopija akata na koje se Komisija poziva.

¹ Službeni list BiH broj 19/02, 35/04 i 32/06

² Službeni glasnik BiH broj 45/04

Kako odgovor nije dostavljen u traženom roku dana 19.04. 2010. godine dostavljena je urgencija i ostavljen naknadni rok za dostavljanje izjašnjenja. Kako ni do danas nije dostavljeno traženo izjašnjenje Zajedničke komisije za ljudska prava, prava djeteta, mlade, imigraciju, izbjeglice, azil i etiku PS BiH Institucija još uvijek nije donijela bilo kakvu odluku na osnovu koje bi delegat mogao tvrditi „da se Institucija svrstala na jednu stranu”.

Provođenje istražnog postupka i nalozi za izjašnjavanje su samo dio procedura koje je Institucija nadležna da provodi, shodno odredbi člana 4. Zakona o ombudsmenu za ljudska prava BiH

Dostavljeno:

1 x naslov

1 x žaliteljici

1 x spis



Ombudsmeni BiH

/ Jasminka Džumhur /

/ Nives Jukić /

/ Ljubomir Sandić /



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1320/10
Sarajevo, 25.5.2010. godine



PARLAMENTARNA SKUPŠTINA
BOSNE I HERCEGOVINE

- Dom naroda-

SARAJEVO

PREDMET: Odgovor na izaslaničko pitanje

Vijeće ministara Bosne i Hercegovine je na 121. sjednici održanoj 20.5.2010. godine, utvrdilo odgovor na izaslaničko pitanje koje je gosp. Slobodan Šaraba, izaslanik u Domu naroda Parlamentarne skupštine Bosne i Hercegovine, postavio na 44. sjednici ovog doma održanoj 9.4.2010. godine.

U pritvku prosljeđujemo odgovor radi njegovog dostavljanja gosp. Slobodanu Šarabi.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1320-1/10
Sarajevo, 20.5.2010. godine

SLOBODAN ŠARABA, delegat u Domu naroda Parlamentarne skupštine Bosne i Hercegovine, na **44.sjednici** Doma naroda Parlamentarne skupštine BiH održanoj **09.04.2010.godine**, postavio je sljedeće delegatsko pitanje:

„Zašto još nisu usvojeni pravilnici o unutrašnjoj organizaciji i sistematizaciji tri agencije nastale drugom fazom reforme policije u Bosni i Hercegovini?“

OBRAZLOŽENJE

Imenovanja rukovodstva ovih agencija (za forenzička ispitivanja i vještačenja, za školovanje i stručno usavršavanje kadrova i za policijsku podršku) bila su u februaru 2009.godine. Ako se ima u vidu da su predlozi pravilnika prošli potrebne procedure i od nadležnih institucija dobili pozitivna mišljenja, te u julu 2009.godine dostavljeni radi usvajanja Savjetu ministara. Da bude interesantnije ovim agencijama odobreni su budžeti za prošlu i ovu godinu u ukupnom iznosu od blizu 10 miliona KM.

Na postavljeno pitanje, Vijeće ministara Bosne i Hercegovine je na **124.sjednici** održanoj **20.5.2010** godine, utvrdilo sljedeći
(datum sjednice) (broj)

ODGOVOR

Savjet ministara Bosne i Hercegovine na **119. sjednici** koja je održana **22. aprila 2010.godine** u okviru predloženog dnevnog reda, razmatrao je i usvojio pravilnike o unutrašnjoj organizaciji i sistematizaciji tri agencije, koje su u okviru Ministarstva bezbjednosti Bosne i Hercegovine.

Pod tačkom 35. **razmatran je i usvojen** Prijedlog pravilnika o unutrašnjoj organizaciji i sistematizaciji radnih mjesta **Agencije za policijsku podršku**
-Predlagač: Agencija za policijsku podršku;

Pod tačkom 36. **razmatran je i usvojen** Prijedlog pravilnika o unutrašnjoj organizaciji i sistematizaciji radnih mjesta **Agencije za forenzička ispitivanja i vještačenja**

-Predlagač: Agencija za forenzička ispitivanja i vještačenja;

Pod tačkom 37. **razmatran je i usvojen** Prijedlog pravilnika o unutrašnjoj organizaciji i sistematizaciji radnih mjesta **Agencije za školovanje i stručno usavršavanje kadrova**

-Predlagač: Ministarstvo bezbjednosti BiH.